

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷八十五  
 內容分類 集-總集-各代-唐  
 索書號 集部-總集-35  
 編號 D7841100

# 卷八十五

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首


日雙闕昏迴輿九重暮長煙散初暈皎月澄輕素  
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編



唐詩品彙八十五卷

羽翼

錢起 十九首

和李員外扈駕幸溫泉宮

未央月曉度疎鍾  
鳳輦時巡出九重  
雪霽山門迎瑞日  
雲開水殿候飛龍  
輕寒不入宮中樹  
佳氣常浮仗外峰  
遙羨枚皋扈仙蹕  
偏承霄漢渥恩濃

贈闕下裴舍人

二月黃鸝飛上林  
春城紫禁曉陰陰  
長樂鍾聲苑外盡  
龍池柳色雨中深  
陽和不散窮途恨  
霄漢常懸捧日心  
獻賦十年猶未遇  
羞將白髮對華簪

劉云有情有味有體



色深  
可觀

### 漢武出獵

漢家無事樂時雍，羽獵年年出九重。  
玉帛不朝金闕路，旌旗長繞綵霞峰。  
且貪原獸輕黃屋，寧畏漁人犯白龍。  
薄暮方歸長樂觀，垂陽幾處綠烟濃。

### 和王員外晴雪早朝

紫微晴雪帶恩光，繞仗偏隨鴛鷺行。  
長信月留寧避曉，宜春花滿不飛香。  
獨看積素疑清禁，已覺輕寒讓太陽。  
題柱盛名兼絕唱，風流誰繼漢田郎。

### 宴曹王宅

賢王駟馬退朝初，小苑三春帶雨餘。  
林沼葱蔥權多貴，

氣樓臺隱映接天居，仙鷄引敵穿紅藥。  
宮燕御泥落綺疏，自嘆平生相識願。  
何如今日廁應徐。

### 登劉賓客高齋

時公初退相

能以功成踈寵位，不將心賞負雲霞。  
林間客散孫弘閣，城上山宜綺季家。  
胡蝶晴連池畔草，黃鸝晚出柳園花。  
日陪鯉也趨文苑，誰道門生隔絳紗。

### 樂遊原晴望上中書李侍郎

爽氣朝來萬里清，憑高一望九愁輕。  
不知鳳沼霖初霽，但覺堯天日轉明。  
四野山河通遠色，千家砧杵動秋聲。  
遙想青雲丞相府，何時開閣引書生。

### 長信怨



長信螢來一葉秋  
蛾眉淚盡九重幽  
鳩鵲觀前明月度  
芙蓉闕下絳河流  
鴛鴦久別難為夢  
鳳管遙聞更起愁  
誰念昭陽夜歌舞  
君王玉輦正淹留

送張員外出牧岳州

鳳凰啣詔與何人  
善政多才寵寇恂  
臺下鴛鴦爭送遠  
岳陽雲樹待行春  
自憐黃閣知音在  
不厭彤襜出守頻  
應笑馮唐衰且拙  
世情相見白頭新

送裴頡侍御使蜀

杖屨絕年四十強  
髭髻玄髮美清揚  
朝天繡服乘恩貴  
出使星輶滿路光  
錦水繁花添麗藻  
峨眉明月引飛觴  
多才自有雲霄望  
計日應追鴛鴦行

送李評事赴潭州使幕

湖南遠去有餘情  
蘋葉初齊白芷生  
謬說簡書催物役  
遙知心賞緩王程  
興過山寺先雲到  
笑引江帆帶月行  
幕下由來貴無事  
佇聞談笑靜黎甯

送興平王少府遊梁

舊識相逢情更親  
扳權甚少愴離頻  
黃綬罷來多遠客  
青山何處不愁人  
日斜宮樹聞蟬滿  
雨過關城見月新  
梁國遺風重詞賦  
諸侯應念馬卿貧

送嚴維尉河南

蕙葉青青花剌開  
少年趨府下蓬萊  
甘泉未厭揚雄賦  
吏道何勞賈誼才  
征陌獨愁飛蓋遠  
離筵只惜暝



鍾催欲知別後相思處願植瑤枝向栢臺

送韋信愛子歸覲

離舟解纜到斜暉春水東流雁北飛才子學詩趨露  
冕崇花含笑待班衣稍聞江樹啼猿近轉覺山林過  
客稀借問還珠盈合浦何如鯉也入庭闈

贈張南史

紫泥何日到滄洲嘆向東陽沈隱侯黛色晴峰雲外  
出毅文江水縣前流使臣自欲論公道才子非關厭  
薄遊溪畔秋蘭雖可佩知君不得少停舟

山中訓楊補闕見過

日煖風恬種藥時紅泉翠壁薜蘿垂幽溪鹿過苔蘚

靜深樹雲來鳥不知青瑣同心多逸興春山載酒遠  
相隨却慚身外牽纓冕未勝尊前倒接羅

七盤路阻寇聞李端公先到南楚

日莫窮途淚滿襟雲天南望羨飛禽阮腸暗與孤魂  
斷江水遙連別恨深明月既能通憶夢青山何用隔  
同心秦楚眼看成絕國相思一寄白頭吟

夜宿靈臺寺寄郎士元

西日橫山含碧空東方吐月滿禪宮朝瞻雙頂青冥  
上夜宿諸天色界中石潭倒映蓮花水塔院空聞松  
栢風萬里故人能尚尔知君視聽我心同

題嵩陽焦道士石壁



三峰花半碧堂懸錦里真人此得仙玉體絕飛西蜀  
雨霓裳欲向大羅天綵雲不散燒丹竈白鹿時藏種  
玉田幸入挑原因去世方期丹訣一延年

劉長卿 一十一首

上陽宮望幸

玉輦西巡久未還春光又入上陽間萬木長承新雨  
露千門空對舊河山深花寂寂宮城閉細草青青御  
路閑獨見采雲飛不盡只應來去候龍顏

過賈誼宅

三年謫宦此棲遲萬里惟留楚客悲秋草獨尋人去  
後寒林空見日斜時漢文有道恩猶薄湘水無情吊

豈知劉云

寂寂江山搖落處憐君何事到天涯

登餘干古城

孤城上與白雲齊萬古蕭條楚水西官舍已空秋草  
沒女牆猶在夜烏啼平沙渺渺迷人遠落日亭亭向  
客低飛鳥不知陵谷變朝來暮去弋陽溪

獻淮南軍節度李相公

建牙吹角不聞喧三十登壇衆所尊家散萬金訓士

死身留一劍蒼君恩

劉云國志家

漁陽老將多回席魯國

諸生半在門白馬翩翩春草綠邵陵西去獵平原

送李將軍迎故使中丞旅櫬赴京

征西諸將不如君報德誰能不願勲身逐塞鴻來萬



里手披荒草看孤墳  
擒生絕漠經胡雪  
懷舊長沙哭楚雲  
歸去蕭條灞陵上  
幾人看葬李將軍

使次安陸寄友人

新年草色遠萋萋  
又客將歸問路蹊  
暮雨不知湏口處  
春風只到穆陵西  
孤城盡日空花落  
三戶無人自鳥啼  
君在江南相憶否  
門前五柳幾枝低

自夏口至鸚鵡洲望岳陽寄阮中丞

汀洲無浪復無烟  
楚客相思渺渺然  
漢口夕陽斜度鳥  
洞庭秋水遠連天  
孤城背嶺寒吹角  
獨樹臨江夜泊船  
賈誼上書憂漢室  
長沙謫去古今憐

江州重別薛六柳八二員外

生涯豈料承優詔  
世事空知學醉歌  
江上月明胡鴈過  
淮南木落楚山多  
寄身且喜青洲近  
顧影無如白髮何  
今日龍鍾人共棄  
媿君猶遣慎風波

贈別嚴二元

春風倚棹闔閭城  
水國春寒陰復晴  
細雨濕衣看不見  
閑花落地聽無聲  
日斜江上孤帆影  
草綠湖南萬里情  
東道若逢相識問  
青袍今已誤儒生

送耿拾遺歸上都

若為天畔獨歸秦  
對水看山欲暮春  
窮海別離無限路  
隔河征戰幾歸人  
長安萬里傳雙淚  
建德千峰寄一身  
想到郵亭愁駐馬  
不堪西望見風塵



送常十九歸嵩少故林

迢迢此恨杳無涯  
楚澤嵩山萬里賒  
岐路別時驚一  
葉雲林歸處憶三花  
秋木蒼翠寒飛鴈  
古堞蕭條晚噪鴉  
他日山中逢勝事  
桃源洞裏幾人家

送陸澧倉曹西上

長安此去欲何依  
先達誰當薦陸機  
日下鳳翔雙闕  
迥雪中人去二陵稀  
舟從故里難移棹  
家在寒塘獨掩扉  
臨水自傷流落久  
贈君空有淚沾衣

送柳使君赴袁州

宜陽出守新恩至  
京口因家始願違  
五柳閉門高士  
去三苗按節遠人歸  
月明江路聞猿斷  
花暗山城見

吏稀唯有郡齋空  
裏岫朝朝空對謝玄暉

青溪口送人歸岳州

洞庭何處鴈南飛  
江熒蒼蒼客去稀  
帆帶夕陽千里  
沒天連秋水一人歸  
黃花裊露開沙岸  
白鳥啣魚上釣磯  
岐路相逢無可贈  
老年空有淚沾衣

送馬秀才落第歸江南

南客懷歸鄉夢頻  
東門悵別柳條新  
殷勤斗酒城陰  
暮蕩漾孤舟楚水春  
湘竹舊班思帝子  
江蘼初綠怨騷人  
憐君此去未得意  
陌上愁看淚滿巾

送李錄事允歸襄陽

十年多難與君同  
幾處移家逐轉蓬  
白首相逢征戰



後青春已過亂離中行人杳杳看西月歸馬蕭蕭向  
北風漢水楚雲千萬里天涯此別恨無窮

送皇甫曾赴工部

東遊久與故人違西去荒涼舊路微秋草不生三迳  
處行人獨向五陵歸離心日遠如流水回首川長共  
落暉楚客豈勞傷此別滄江日暮自沾衣

送惠法師遊天台因懷支大師故居

翠屏瀑水知何在鳥道猿啼過幾重落日獨揮金葉  
去深山誰向石橋逢定攀岩下叢生桂欲買雲中若  
箇峰想憶東林禪誦處寂寥唯聽舊時鐘

送靈徹上人還越

禪客無心杖錫還沃州深處草堂閑身隨敝履經殘  
雪手綻寒衣入舊山獨向青溪依樹下空留白日在  
人間那堪別後長相憶雲木蒼蒼但閉關

將赴嶺外留題蕭寺遠公院

竹房遙閉上方幽苔徑蒼蒼訪昔遊內史舊山空日  
暮南朝古木向人秋天香月色同僧室葉落猿啼傍  
客舟此去播遷明主意白雲何事欲相留

題靈祐和尚故居

嘆逝翻悲有此身禪房寂寞見流塵六時行迳空秋  
草幾日浮生哭故人風竹自吟遙入磬雨花垂淚共  
沾巾殘經窓下依然在憶得山中問許詢

唐詩品彙八十五卷

唐詩品彙八十六卷

接武上

韋應物四首

燕李錄事

與君十五侍皇闈  
曉拂爐烟上赤墀  
花開漢苑經過處  
雪下驪山沐浴時  
近臣零落今猶在  
仙駕飄飄不可期  
此日相逢思舊日  
一杯成喜又成悲

自鞏洛舟行入黃河即事寄府縣僚友

夾水蒼山路向東  
東南山豁大河通  
寒樹依微遠天  
外夕陽明滅亂流中  
孤村已歲臨伊岸  
一鴈初晴下朔風  
為報洛橋遊宦侶  
扁舟不繫與心同